

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

ich. Rue dise nacht. vnd so der morgen wirt. ob er dich wil behaltē mit dē rechtē der verwandt schaft. Das ist ein wol gethan ding. Ob er aber nit wil der herz lebt. ich nym dich on allē zweyfel. Schlaf vntz an dē morgē. darūb sy schlyeff zu seinē füessē vntz an dē morgē vntz zu d ab scheydūg der nacht. Vnd stūd auff ee dan sich die menschē erkanten an einander. Vnd boos sprach. Hāt das yemant erken. Das du seyest her kumen. Vñ anderweyd sprach er. Spanne auß deinen mätel. mit dem du bist bedeckt. vñ halt i in yetweder hand. Da sie in auß einander strecktet vñ hylet. er maß sechs maß gerstē. vnd legt die auff sy. Sie trug sie. vñ gieng in die stat. vñ lazz zu ir schwiger. Sie sprach zu ir. Tochter. woz hast du gethan. vnd sie verkündt ir alle ding dy ir der man het gethā. vñ sprach. Sih sechs maß gersten gab er mir. vnd sprach. Ich wil dich nit leer lassen widkerē. zu deiner schwiger. Vñ noe mi sprach. Tochter harre. bis dz wir sehē welch en aufgāg dz ding hab. Wan der man wirt nit auff hōrē er erfüllē dan was er hatt geredt.

Das. III. Capitel. nye

boos gebote dem nechste freund das er ruth ne me zu einē weyb. nach der gewonheit. das wolt er n. cht thun. sunder er verzige sich darauf.

Arumb Boos gieng

Oauff zu dem tor vñ sah da. Vñ da er sah den nahēden für geen vō dem er zum erste het gehabt die rede. er rüft im mit sein namen. vñ sprach zu im. Nleyg dich ein wenig vnd sitz hye. Er keret zu. vñ sah. Wan boos nam zehen man vō den alten der stat. vñ sprach zu im. Sitz hy. da sy gefassen. er redt zu dē nahēden. Vñ Noemi wil verkauffen dē teyl des ackers vnser bruders abimelech. die da ist widerkert. vō d gegēt der moabiter. Das wolt ich dich lassen hōrē. vñ dir es sagen vor allen dē sitzēdē. vñ vor den merern der geburt vō meinē volck. Ob du wilt besitzē den acker nach dē rechtē d verwantschaft. so kauf in. vnd besitz in. wan ob es dir mispuelt. das gib mir zuuersteen das ich wil se was ich fülle thun. wan keiner ist nehner verwandt. außgenommen du. vnd bist ir nehner denn ich. der ich d nehner nach dir bin. Vnd er antwurt. Ich kauf dē acker. Boos sprach zu i. So du kaufest dē acker von d hād des weybes. du solt nemē ruth die moabiterin. die da was eyn weyb des todte. das du erküest den namē deines nachgewandte in seinē erbe. Er antwurt.

Ich weich dez rechtē der verwantschaft. Wan ich sol nicht vertylgen die afterkummung oder die nachkummung meines ingefundes. Du neuse mein recht. des ich mich williglich verzeyh. vñ da beken. Wan ditz was ein alter syt in israhel zwischē dem nechsten. das. so etwan emer dē andern wich seines rechtens. das es wer ein ste te nachgebung. So löste er auff sein geschüh. vnd gab es seinem nechste. das was. dy gezeugt nuss der weychung in israhel. Vñ sprach zu boos seinem nechsten. Vñ hyn mein geschüh. Er löste es bald auß vō seinē fuh. vñ sprach zu den merern der geburt. vñ zu allez dē volck. Ir seyt heut gezeugen das ich hab besessen alle ding. die so waren elimelech. vñ chelion. vnd maalon. dz es mir atwurt noemi. vñ dz ich hab genumē zu der ee ruth die moabiterin das weyb maalo. das ich erküest den namen des todten in seym erb. das sein nam icht werde vertylget von seynem ingefund. vñ von seinen brüder. vnd vō dē volcke. Ich sprich ir seyt gezeugen ditz dings. Alles volck das da was bey dem tor. vñ dy merern der geburt antwurten. Wir sein gezeugen. Der herre mach ditz weyb. die da emgeet i dem hauf. als rachel vnd hām. dy da bautē dz hauf israhel. das sy sey ein exempel der tugent in esfrata. vnd das sie hab einen erlichen namen in berthleem. Vnd dem hauf werd als das hauf phares. den thamar gebar iude. von dez samen den dir der herz gibt vō der diern. Darumb boos nam ruth. vñ empfieng sie zu einem weyb. vñ gieng ein zu ir. vnd der herz gab ir das sie empfieng. vñ gebar einen sun. Vñ dy weyber sprachen zu noemi. Gesegent sey der herre. der damit hat gelyden. das der nachuolger deins yngefundes gebreste. vnd das sein nam in israhel würd genemet. vñ du habest. der do tröste dein seel. vnd ernere dz alter. Wan vō deiner schnür ist geboren. der dich lieb hatt. vnd er ist dir vil besser. den ob du hettest siben sū. Vnd so noe mi hett empfangen das kindt. sie leget es in ir schos. vñ gebraucht das ambt der ammen. vnd der tragerin. vñ die nechsten weyber frolockten mit ir. vnd sprachen. noemi. der ist geborn ei sun vnd sie huyessen seinen namen obed. Diser ist ei vater ysai das vaters dauid. Ditz sein dye geschlecht phares. Phares gebar esrom. Esrom gebar aram. Aram gebar aminadab. Aminadab gebar naason. Naason gebar salmon. Salmon gebar boos. Boos gebar obed. Obed gebar ysay. Isay gebar dauid den künig.